



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. D. Magistri Petri Lombardi Novariensis Episcopi
Parisiensis. Sententiarvm Libri IV. quibus vniuersæ
Theologiæ summa continetur**

Petrus <Lombardus>

Mogvntiæ, 1632

Quod peccata sæpe dimittuntur per pœnitentiam. D

urn:nbn:de:hbz:466:1-38829

rentur, iteratur pœnitentia, sed non solennis: quod tamen in quibusdam ecclesiis non seruatur. *Auctoritatibus probat, quod non semel tantum, sed frequenter peccata dimittantur per pœnitentiam.* D

Quod verò pœnitentia non semel tantum agatur, sed frequenter iteretur, & per eam frequenter iterum venia præstetur, pluribus sanctorum testimoniis probatur. Ait n. Aug. scribens contra quosdam hæreticos, qui peccantibus post baptismum semel tantum dicebant vtilē esse pœnitentiam, ita. Adhuc instant perfidi, qui sapiunt plusquam oportet: non sobrii, sed excedentes mensuram dicunt. Et si semel peccantibus post baptismum valeat pœnitentia, non tamen sæpè peccantibus proderit iterata: alioquin remissio, ad peccandum esset incitatio. Dicunt enim. Quis nõ semper peccaret, si semper per pœnitentiam redire posset? Dicunt n. Dñm incitatore[m] mali, si semper peccantibus subuenit: & ei peccata placere, quibus semper præsto est gratia. Errant autē. Constat n. multum ei peccata displicere, qui semper præsto est ea destruere. Sed si ea amaret, non semper ea destrueret. Idē ad Maced. In tantum hominum iniquitas aliquando progreditur, vt etiam post peractam pœnitentiam, & post altaris reconciliationem, vel similia, vel grauiora committant. Et tñ Deus facit etiam super tales oriri solem suum, nec minus tribuit, quam ante tribuebat, largissima munera vitæ & salutis. Et quamuis eis in ecclesia locus ille pœnitentiæ non concedatur, Deus tñ super eos suæ patientiæ non obliuiscitur. Ex quorum numero si quis vobis dicat. Dicite mihi, verum aliquid profit ad vitam futuram, si in ista vita illecebrosissimæ voluptatis blandimenta contempsero, si me pœnitendo vehementius quam prius excruciauero, si vberius fleuero, si melius vixerò, si pauperes largius sustentauero, si charitate ardentius flagrauero? quis vestrum ita desipit, vt

huic

Aug. in lib. de vera & falsa pœnitentia cap. 5. in initio. in to. 4. ad Rom. 12.

August. ad Macedonium epist. 54. in 2. 2. Mat. 5. g

huic homini dicat, Nihil tibi ista in posterum proderunt. Vade, saltē huius vitæ suauitate frūere. Avertat Deus tam immanem sacrilegamq; demeritiam. Item Ioan. Chryso. de reparatione lapsi. Talis, mihi crede, talis est erga homines pietas Dei: Nunquam spernit pœnitentiã, si ei sincerè & simpliciter offeratur, etiam si ad summū quis perueniat malorum, & inde tamen velit reuerti ad virtutis viam: suscipit libenter & amplectitur, & facit omnia quatenus ad priorem reuocet statum. Quodq; est adhuc præstantius & eminentius, etiã si non potuerit quis explere omnem satisfaciēdi ordinē, quantumlibet tamen & quantumlibet breui tēpore gestam non respuit pœnitentiã: suscipit etiam ipsam, nec patitur quamuis exigua conuersionis perdere mercedem. Exemplis etiam hoc idē astrui potest. David n. per pœnitentiã adulterii simul & homicidii veniã impetrauit: & grauius tamē postea deliquit in populi enumeratione, quod populi multitudo prostrata ostendit. Illud a. mirabile est, quod angelo ferienti plebem se obtulit, dicens. Grex iste quid fecit? fiat manus tua in me, & in domū patris mei. Quo facto statim sacrificio dignus iudicatur, qui absolutione æstimabatur indignus. Nec mirū si tali sua oblatione pro populo, peccati sui adeptus est veniã: cum Moyses offerēdo se pro plebis errore, peccata diluerit. His aliisq; testimoniis pluribus euidenter ostenditur, per pœnitentiã non semel tantum, sed sæpius nos à peccatis surgere, & veram pœnitentiã sæpius agi. Voluntaria enim peccantibus nobis, vt ait Apost. pro peccatis non relinquitur hostia secunda scil. quia semel tantum Christum oportuit pati: nec relinquitur secundus baptismus: Relinquitur verò secunda pœnitentiã, & tertia, & deinceps, vt Ioan. Chryso. super hunc locum ait. Sciedum, inquit, quod hic quidam exurgunt, horum

Chryso. lib.
ad Theodo-
rum lapsum
sive epist. 10.
5. nō longè à
princ.

1. Reg. 11. a
Ibidem cap.
Ambr. in
apologia Da-
uid cap. 7. in
fine eiusdem
in to. 4.

1. Para. 22. a

Exod. 32. g

Heb. 10. e

Chryso. hom.
20. ad ca. 10.
Ad heb. t. 4.

ver-

verborum occasione pœnitentiam auferentes ; quasi per pœnitentiam non valeat peccator post lapsum resurgere secundò , & tertio , & deinceps. Verum etiam in hoc pœnitentiam non excludit, nec propitiationem , quæ sepè fit per pœnitentiam : sed secundum baptismum & hostiam.

QVOD PLVRIBVS IRRETITVS PECCATIS non potest pœnitere de vno vere, nisi de omnibus pœniteat.

DISTINCT. XV. A

Ex Grat de pœnit. dist. 3. cap. Sceleratio.

Super can. Deu. 32. sunt plures.

De pœnit. dist. 3. cap. Ignis.

ET sicut prædictis auctoritatibus illorum error conuincitur, qui pœnitentiam sepius agendam non putant, & per eam à lapsu peccantes frequenter surgere desistunt: ita eisdem illorum oppositio eliditur, qui pluribus irretitum peccatis asserunt de vno verè pœnitere, eiusdemque veniam à Domino consequi posse sine alterius pœnitentia. Quod etiam auctoritatibus astruere conantur. Ait n. Propheta. Non iudicabit Deus bis in idipsum: vel ut alii transtulerunt, Non consurget duplex tribulatio. Si ergo, inquiunt illi, aliquis sacerdoti fuerit confessus vnum de duob. vel pluribus peccatis & de illo iniunctam sibi pœnitentiã à sacerdote satisfactione expleuerit cæteris tacitis: non pro illo peccato amplius iudicandus est, de quo satisfecit ad arbitrium sacerdotis, qui vicem Christi in Ecclesia gerit. Ideoque si de eo iterum iudicetur, bis in idipsum iudicat Deus, & consurget duplex tribulatio. Sed de his oportet illud tantum intelligi, qui presentibus suppliciis commutantur in bonum, & sic perseuerant: super quos non consurget duplex tribulatio. Qui vero inter flagella duriores & deteriores sunt, ut Pharaon, presentibus æterna connectunt: ut temporale supplicium sit eis æternæ pœnæ initium. Unde Aug. Ignis succensus est, & c. i. vindicta Dei hic incipiet, & ardebit usque ad extremam damnationem. Hoc contra illos notandum est, qui dicunt illud,